

www.pledarigrond.ch

■ **Il Pledari Grond online (PG online) è il resultat d'in project communabel da la Lia Rumantscha (LR) e la Gjuventetgna Rumantscha (GiuRu). La LR ha contribuì il material ed il know-how linguistic ed il management da project, la GiuRu il know-how tecnic.** Ils custs da svilup per metter il PG sin internet avain nus repartì egualmain sin ils dus partenaris. Nus essan cuntents da pudair preschentar oz il resultat da questa collavuraziun.

Public en mira

Cun render il PG accessibel sur internet vul la LR metter a disposiziun la pli gronda collecziun da plects rumantschs ad in public pli vast e quai gratuitamain. Il PG online sa drizza spezialmain a personas ch'han mo sporadicamain basegn da consultar in dicziunari e na vulan perquai betg cumprar il PG sin CD-ROM. Quai èn personas che lavuran cun ils pledaris idiomatics e na chattan betg ils plects ch'ellas tshertgan. Quai èn era personas plitost giuvnas che utilischan en emprima lingia l'internet per chattar in pled.

Il PG online serva a questas personas surtut per chattar spert la traducziun rumantscha dad in pled tudestg u viceversa.

Avantatgs

(cumpareglia cun PG sin CD-ROM)

- pli sperta actualisaziun dal cuntegn
- pli grond dumber d'utilisaders
- pli gronda attractivitat (gratuit)
- pli gronda accessibladad (colliaziun d'internet e browser www)
- dapli interactivitat tranter la redacziun dal PG ed ils utilisaders

Versiun actuala

Il PG online sa basa sin la pli nova ver-

siun da la banca da datas linguisticas da la Lia Rumantscha. Quella versiun è vegnida actualisada intensivamain ils davos trais onns.

Futur

- mantegniment, actualisaziun, optimaziun
- statistica d'utilisaziun
- autras pussaivladads da diever (p. ex. tshertgar tenor tema)

Lia Rumantscha/Gjuventetgna Rumantscha



Duri Denoth, manader dal project «Pledari grond online», preschenta ier a la Higa, Anna-Alice Dazi, responsabla per il linguatg e Gion-Andri Cantieni, responsabel per la tecnica da quest project (da san.).